



#### 4. Вазият оғир бўлишига қарамай Абу Бакр розияллоҳу анҳунинг закот бермаган ва диндан қайтган-муртадларга қарши жанг қилиши

Закот бермаган кимсаларга қарши жанг қилиш мавзуси долзарб бўлган бир кунда, ўз пайғамбарини юракдан сўйган бу буюк зотнинг азму-қарорини куйидаги сўzlари очиқ ифодаламоқда: «Аллоҳ номига қасам ичиб айтаманки, Расулуллоҳ соллаллоҳу алайҳи ва салламга беришган тия иқолини менга бермасалар мен уни беришлари учун уларга қарши уруш қиласман!» («Тия иқоли» – тиянинг оёғини боғлаб қўйиладиган арқондир. Чунки, закот бермоқчи бўлган одам тияни топширишга масъулдир. Топширганда эса тиянинг олд оёғини боғлаб топширади. Қаранг: «ан-Ниҳоя фий ғарибил-ҳадис», 3/280),.. (Имом Муслим: 32; 1 / 52).

Сўнгра, Абу Бакр розияллоҳу анҳу диндан қайтиб муртад бўлган баъзи қабилаларнинг Мадинаи Набавийяга ҳужум қилмоқчи эканликларини сезди ва уларга қарши шахсан ўзи етакчилик қилиб чиқди. Онамиз Оиша розияллоҳу анҳо: «Отам қиличини суғуриб, тусига минди ва Зул-Қассага чиқдилар»- деди («Зул-Қасса» – деди Носир, Мадинадан йигирма тўрт мил узоқликдаги жой бўлиб, Рабазага кетган йўлдир. Қаранг: «Мўъжамул-Булдон»: 9720; 4/416). («ал-Бидая ван-ниҳая», 4/355).

Абу Бакрдан Мадинада қолиши ва ўрнига бошқасини юбориши маъқул эканлиги ҳақида айтилганда: «Йўқ, Аллоҳ номига қасамки, бундай қилмайман. Балки, сизларга ўзим ёрдам бераман»- деди (Табарий, «Тарих», 3/247. Қаранг: Ибн Асир, «ал-Камил фит-Тарих», 2 / 233; «ал-Бидая ван-Ниҳая», 6/355).

Аллоҳнинг ҳабиби олиб келган диннинг қилган хитобига, у самимий сўйган, нима деб жавоб бериши мумкин эди? Қудратли Аллоҳнинг ўз



расулига туширган нурли шариати ундан жанг майдонига чиқиши ва ёрдамчи бўлишини талаб қилганида, у қандай майдонга чиқмасин?

Биз қаерда-ю, унинг қилган ишлари қаерда? Ушбу Дин Ер юзининг барча тарафларида бизни ёрдамга чорлаётганини кўрмаяпмизми? Ислом динининг Ер юзининг узоқ ва яқин: барча тарафлардан фарёд чекаётганини эшитмаяпмизми?

Бу фарёдларга ким жавоб бермоқда?

Мухаммад Мустафо соллаллоҳу алайҳи ва салламни суюшни даъво қилаётганлар, Аллоҳ таоло: **«Уларнинг диллари бору англай олмайдилар, кўзлари бору кўра олмайдилар, қулоқлари бору эшитмайдилар.»** (Аъроф:179) деб баён қилган кимсалардан бири бўлиб қолишдан қўрқмайдиларми?!

##### **5. Баро ибн Молик розияллоҳу анхунинг душман турган бўстонга кириб, дарвозани ичкаридан очиш учун бўстон ичига отишларини талаб қилиши**

Ямома жанггида Мусайламатул кazzобнинг тарафдорлари бир бўстон ичига кириб, дарвозани ичкаридан беркитиб олдилар. Расулуллоҳ соллаллоҳу алайҳи ва салламни ҳақиқий суйганлардан бири дарвозаларни очиш учун ўзини бўстон деворлари устидан ичкарига отишларини талаб қилди. Имом Табарий раҳимаҳуллоҳ бизга унинг қиссасини шундай баён қилмоқда:

«... Сўнгра, мусулмонлар уларнинг устига ёпирилиб хужум қилдилар. Уларга бир бўстонга киришдан бошқа чора қолмади. Бу бўстон «Ўлим бўстони» дея тарихга кирди. Уларнинг ичиди Аллоҳнинг душмани Мусайламатул кazzоб ҳам бор эди. Баро ибн Озаб розияллоҳу анҳу: «Эй мусулмонлар, мени бўстон деворлари устидан ичкарига



отинглар!»- деди.

Бошқа бир ривоятда: «Эй мусулмонлар, мени уларнинг устига, бўстонга отинглар!»- деди (Ибн Ҳиббон, «ас-Сийратун-набавийя ва ахбарул-хулафо», 438).

Мусулмонлар: «Эй Баро, бундай қилма?»- дедилар. У эса: «Аллоҳ номига онт ичиб айтаманки, мени, албатта, уларнинг устига – бўстон ичига отасизлар!»- деди. Шундай дегач, уни кўтариб (девор устига) чиқардилар. У мусулмонларга девор устидан бир қаради-да, (ичкарига) душман устига ташланди ва улар билан жанг қилишга киришди. Ниҳоят, дарвозани очди, мусулмонлар ичкарига отилиб кириб, Аллоҳнинг душманлари билан каззоб Мусайлама ўлдирилгунига қадар урушдилар» (Табарий, «Тарих», 3/290; Қаранг: «ал-Камил», 2/246).

Аллоҳу Акбар! Баро розияллоҳу анҳу ўз жонини Аллоҳ йўлида арzon билиб қандай фидо этди! Ҳолбуки, унинг жони жуда қимматбаҳо эди. Каъба Роббисининг номига қасам ичиб айтаманки, унинг жони бизга ўхшаганларнинг мингтасининг жонидан ҳам қимматроқдир.

#### 6. Ярмук жангигида тўрт юз мусулмоннинг ўлим учун байъат қилишлари

Ярмук жангигида Аллоҳнинг динини ҳимоя қилиш, Аллоҳнинг исмини олий қилиш ва ширкни Ер юзидан супуриб ташлаш учун, самимий севги соҳиби бўлган, тўрт юз мусулмоннинг ўлгунга қадар жанг қилиш учун байъат қилганларини кўрмоқдамиз. Ҳофиз ибн Касир раҳимахуллоҳ Абу Усмон Фассонийдан, у эса отасидан шундай деганлигини ривоят қилди: Абу Жаҳлнинг ўғли Икрима розияллоҳу анҳу: «Расууллоҳ соллаллоҳу алайҳи ва саллам билан кўп жангларда



иштирок этган эканмиз, бугун сизлардан қочамизми?»- деди.

Бир оз вақт ўтганидан сўнг: «Ўлгунига қадар жанг қилиш учун байъат қиладиган ким бор?»- деди. Амакиси Ҳорис ибн Ҳишом ва Зирор ибн Азвар розияллоҳу анҳумо билан мусулмонларнинг пешқадамлари ва отликларидан тўрт юзтаси унга байъат қилдилар. Улар Холид розияллоҳу анхунинг чодири атрофида матонат билан жанг қилдилар. Нихоят, уларнинг кўпчилиги ярадор бўлдилар ва жароҳат сабабли ўлдилар, Зирор ибн Азвар розияллоҳу анҳу ва бошқа бир қанча одамгина жароҳатларидан тузалдилар. Аллоҳ уларнинг барчасидан рози бўлсин. («ал-Бидая ван-ниҳая», 7/11-12. Табарий, «Тарих», 3/401; «ал-Камил фит-Тарих», 2/263).

#### **7. Зубайр розияллоҳу анхунинг ичкаридан дарвозани очиш учун қалъа минорасига чиқиши**

Баро ибн Молик розияллоҳу дўстлари билан Ямомада кўрсатган матонатни Мисрда айнан такрорлаган бошқа бир самимий кишини кўрмоқдамиз. Бу фидокорлик ва матонатдаги ўхшашлик бежиз эмасдир. Чунки, уларнинг барчаси бир мадрасани битирган эдилар. Бу мадраса - Расулуллоҳ соллаллоҳу алайҳи ва салламнинг мадрасаси эди. Уларнинг суйган одами эса - Расулуллоҳ соллаллоҳу алайҳи ва саллам эдилар. Имом Абдулҳакам раҳимаҳуллоҳ бизга у ва унинг матонатли дўстлари бошидан кечирган ушбу ҳодисани шундай баён қилмоқда:

«Амр ибн Ос розияллоҳу анхунинг қалъани фатҳ этиши кечикиши билан Зубайр розияллоҳу анҳу: «Мен жонимни Аллоҳга атадим ва шу йўл билан Аллоҳнинг мусулмонларга фатҳ беришини умид қиласман»- деди.



Сукул-Ҳамам тарафидан қалъага бир нарвон тиклади ва ундан юқорига чиқди. Шерикларига такбирини эшитганларида у билан бирга такбир айтишларини таъкидлади.

Қалъадагилар Зубайр розияллоҳу анхунинг қалъа ичига кириб, қиличини суғуриб, такбир айтгунига қадар пайқамадилар. Барча мусулмонлар дўстлари нарвонга чиқиш учун шошилдилар. Амир Амр ибн Ос розияллоҳу анху нарвоннинг синишидан қўрқиб, уларнинг олдига ўтди.

Зубайр ва у билан бирга бўлганлар ҳужумга ўтдилар ва баралла такбир айтдилар. Тащқаридаги мусулмонлар ҳам такбир айтдилар. Душманлар барча мусулмонлар қалъа ичига эканида ҳеч шубҳа қилмадилар. Шунинг учун ҳам, тумтарақай чор атрофга қоча бошладилар.

Зубайр розияллоҳу анху ва унинг шериклари дарвоза томон юриб, уни очдилар. Шундай қилиб мусулмонлар қалъани қўлга киритдилар» («Футуху Миср ва ахбаруҳа», 52).

#### **8. Нуъмон ибн Муқаррин розияллоҳу анхунинг Аллоҳ таолога мусулмонларга зафар бериши ва ўзига шаҳидликни насиб этиши учун ёлбориши**

Наҳованд жангнида ҳам Аллоҳ ва расулини самимий суйган бошқа бир кишини кўрмоқдамиз. У мусулмонларга зафар, ўзига эса шаҳидликни насиб этиши учун Аллоҳ таолога ёлбориб дуо қилмоқда. Ҳофиз Заҳабий раҳимаҳуллоҳ у ҳолатни қуидагича тасвирламоқда:

«Наҳованд жангнида икки тараф тўқнашганида Нуъмон ибн Муқаррин розияллоҳу анху: «Агар ўлсан, менга қараманглар! Мен бир дуо қиласман, ортидан «Омийн!» дейсизлар: Аллоҳим мусулмонларга зафар



бериш билан бирга менга шаҳидликни насиб эт!, деди. Ҳамма:  
«Омийн!», деди.

Илк шаҳид Нуъмон ибн Муқаррин розияллоҳу анҳу бўлди. («Тарихул-Ислам», 225). Аллоҳ ундан рози бўлиб, лойик мукофотлар билан хушнуд этсин.

Бошқа ривоятда Нуъмон ибн Муқаррин розияллоҳу анҳу: «Аллоҳим, динингни азиз қил! Қулларингга ёрдам эт, Нуъмонни эса динингни азиз қилиш ва қулларингга ёрдам этиш билан бирга шаҳид қил!»- деди. («ал-Камил фит-тарих», 3/5).

Дуонинг ҳайратомузлигига қаранг! Бундай нарсаларга сабрбардошлилар ва улкан насибадорларгина мұяссар қилинади.

#### **9. Мусулмонларнинг Аллоҳ йўлида жонларини фидо қилиш иштиёқлари**

Бу аломатга доир мисолларни Убода ибн Сомит розияллоҳу анҳунинг Расууллоҳ соллаллоҳу алайҳи ва салламни самимий суйган мусулмонларнинг ширк йўқ бўлиб, дин ёлғизгина Аллоҳники бўлгунига қадар Аллоҳ йўлида жонларини фидо қилиш истакларини тилга олар экан, сўзлаган ушбу сўzlари билан якунламоқчиман. Убода ибн Сомит розияллоҳу анҳу деди:

«Орамизда шаҳидликни насиб этиши ҳамда юрти, тупроғи, оиласи ва бола-чақаларига қайтармасликни Аллоҳ таолога қилган дуосида сўрамаган бирон кимса йўқ эди. Ҳеч биримиз орқамизда ташлаб келганларимизни ўйламас эдик. Чунки, ҳар биримиз аёлимиз ва фарзандларимизни Аллоҳга омонат қилиб ташлаб келган эдик. Биз фақат келажакда қаршимиздан чиқадиган нарсалар ҳақидагина ўйлар эдик». («Футуху Миср ва ахбаруҳа», 54).



Биз ҳам шундаймизми?!

Аллоҳим, бизларни ҳам улар каби қил! Омийн, ё Роббал-Оламийн!

**Хотима**

Мендек заиф қулига ушбу таълифни якунлаш неъматини ато этган Аллоҳга ҳамдлар бўлсин. Мен Ундан ушбу амалимни қабул қилишини ўтиниб сўрайман. Бу амалдан бир неча нуқта намоён бўлмоқда. Уларнинг баъзилари қуидагилардир:

1. Расулуллоҳ соллаллоҳу алайҳи ва салламни жонимиз, фарзандларимиз, ота-онамиз, хотинимиз, бойлигимиз ва барча инсонлардан кўра кўпроқ суюшимиз керак.
2. Расулуллоҳ соллаллоҳу алайҳи ва салламни суюш дунёда иймон тотини ҳис этиш ва охиратда эса Унга ҳамсухбат бўлиш сабабларидандир.
3. Расулуллоҳ соллаллоҳу алайҳи ва салламни суйишининг бир неча аломатлари бўлиб, улардан баъзилари қуидагилардир:
  - а) Расулуллоҳ соллаллоҳу алайҳи ва салламни кўриш ва у билан бирга бўлишни орзу қилиш. Булардан маҳрум қолиш ва қўлдан чиқаришни энг катта мусибат деб ҳисоблаш.
  - б) Расулуллоҳ соллаллоҳу алайҳи ва саллам учун жон ва мол-дунёни фидо қилиш учун ҳозири-нозир бўлиш.
  - в) Расулуллоҳ соллаллоҳу алайҳи ва салламнинг буйруқларига итоат қилиб, таъқиқларидан тийилиш.



г) Расулуллоҳ соллаллоҳу алайҳи ва салламнинг суннатларини амалга ошириб, у олиб келган шариатни ҳимоя қилиш.

4. Саҳобаи киром Расулуллоҳ соллаллоҳу алайҳи ва салламга нисбатан муҳаббатларида самимий эдилар. Расулуллоҳ соллаллоҳу алайҳи ва салламнинг юзларига боқиши ва у билан бирга бўлиш, улар учун дунёдаги барча нарсадан кўра севимлироқ әди. Улар Расулуллоҳ соллаллоҳу алайҳи ва саллам учун жон ва мол-дунёларини фидо қилишни бахту-саодат деб билар эдилар. Шунингдек, Расулуллоҳ соллаллоҳу алайҳи ва салламнинг буйруқларига итоат этишар ва таъқиқларидан зудлик билан узоқлашар эдилар. Улар Унинг суннатини амалга ошириш ва Аллоҳ юборган шариатни ҳимоя қилиш учун бебаҳо жонларини арзимас нарсадек фидо қилдилар.

Аввало ўзимга, сўнгра мусулмон биродарларимга Расулуллоҳ соллаллоҳу алайҳи ва салламни севиш борасида саҳобаи киромлардан ўrnak олишларини тавсия этаман. Чунки, қуруқ даъвонинг ўзи даъвогарга зарар бериши мумкин, бироқ ҳеч фойда бермайди.

Пайғамбаримиз, унинг оиласи, саҳобалари ва унга яхшилик билан эргашганларга Аллоҳнинг салавоту саломлари бўлсин. Дуомиз охирида: Барча Оламлар Роббиси бўлган Аллоҳга ҳамдлар бўлсин!, деймиз.

Таржима 17 / 10 / 2005 – да якунланди.

#### Таълифда фойдаланилган манбалар

1. Абу Бакр Жобир Жазоирий, Айсарут-Тафосир, 1407 ҳ.й.



2. Ибн Касир, ал-Бидая ван-Ниҳая, Байрут, 1394 ҳ. й.
- 3.Аҳмад Абдурраҳмон Банно, Булуғул-амоний мин асрорил-фатҳир Роббаний, Қоҳира.
4. Ҳофиз Заҳабий, Тарихул-Ислом, тадқиқ: д. Умар Абдуссалом Тадмурий, Байрут, 1407.
5. Тариху Ҳалифат ибни Ҳайёт, тадқиқ: д. Акрам Зиё Умарий, Риёз, 1405.
6. Ибн Жарир Табарий, Тарихул-умам вал-мулук, тадқиқ: Абул-Фазл Иброҳим, Байрут.
7. Абу Абдуллоҳ Қуртубий, ал-Жомеъ ли аҳкамил-Қуръан, Байрут, 1965.
8. Абул-Қосим Жоруллоҳ Замахшарий, ал-Кашшоф, Байрут.
9. Ибн Ҳазм, Жавомиъус-сийра, тадқиқ: д. Эҳсон Аббос ва д. Носируддин Асад, Покистон, 1401.
10. Ибн Қоййим Жавзийя, Зодул-маъод фий ҳадий хойрил-ибод, Байрут-Кувайт, 1407.
11. Ҳофиз Заҳабий, Сияру аъламин-нубалаи, Байрут, 1402.
12. Имом ибн Ҳиббон Бустий, ас-Сийратун-набавийя ва ахбарул-хулафаи, Байрут, 1402.
13. Ибн Ҳишом, ас-Сийратун-набавийя, муқаддима ва ҳошия: Тоҳо



Абдуррауф Саъд, Мактабатул-куллийятил-Азҳарийя.

14. Д. Абдулкарим Зиё ал-Умариј, ас-Сийратун-набавијија ас-Саҳиҳа, Мадина, 1412.
15. Имом нававиј, Шарху Муслим, Байрут, 1401.
16. Имом Жавҳарий, ас-Саҳиҳ Тажул-луға ва сиҳаҳул-арабијија, тадқиқ: шайх Абдулғафур Аттор, Байрут, 1399.
17. Имом Бухориј, Саҳиҳул-Бухориј маа Фатҳил Барий, Риёз, Рисалату идаратил-буҳусил-илмијија.
18. Муҳаммад Носируддин Албониј, Саҳиҳу Сунани Аби Довуд, Риёз, 1409.
19. Муҳаммад Носируддин Албониј, Саҳиҳу Сунани ибн Можа, Риёз, 1986.
20. Муҳаммад Носируддин Албониј, Саҳиҳу Сунанин-Насоиј, Риёз, 1409.
21. Имом Муслим ибн Ҳажжож Қушайриј, Саҳиҳу Муслим, тадқиқ: Муҳаммад Фуод Абдулбоқиј, Риёз, Рисалату идаратил-буҳус...., 1409.
22. Ибн Саъд, ат-Табакотул-Кубро, Байрут, 1388.
23. Бадруддин Айниј, Умдатул-Қориј шарху Саҳиҳил-Бухориј, Байрут.
24. Ибнул-Жавзиј, Фарибул-Ҳадис, тадқиқ: Д. Абдулмутеъ Амин Қалажи, байрут, 1405.



25. Ҳофиз ибн Ҳажар, Фатҳул-Борий, риёз, Рисолату идаратил-буҳус.... .
26. Аҳмад Абдурраҳмон Банно, ал-Фатҳур-Раббоний фий тартиби Муснадил-Имам Аҳмад ибн Ҳанбал, Қоҳира.
27. Абул-Қосим Абдурраҳмон ибн Абдуллоҳ ибн Абдулҳакам, Футуху Миср ва ахбаруҳа, муқаддима ва тадқиқ: шайх Муҳаммад Субайҳ, Қоҳира.
28. Ибнул-Асир, ал-Камил фит-Тарих, Байрут.
29. Ибн Манзур ал-Африқий, Лисанул-араф ал-Муҳит, нашрга тайёрловчи ва тартиблиаган: Юсуф Ҳайёт, Байрут.
30. Нуруддин Ҳайсамий, Мажмаъуз-завоид ва манбаъул-фаваид, Байрут, 1402.
31. Муҳаммад Носир Рифоъийнинг муҳтасар ва таълиқи ила Муҳтасару тафсири ибн Касир, Риёз, 1408.
32. Абу Абдуллоҳ Ҳоким, ал-Мустадрак алас-Саҳиҳайн, Байрут.
33. Имом Аҳмад ибн Ҳанбал, ал-Муснад, тадқиқ: шайх Аҳмад ибн Муҳаммад Шокир, Миср.
34. Абу Яъло Мавсилий, Муснад, тадқиқ ва таҳриж: шайх Ҳасайн Салим Асад, дамашқ, 1404.
35. Ёқутул-Ҳамавий, Муъжамул-булдан, тадқиқ: шайх Фарид Абдулазиз Жундий, Байрут, 1410.

36. Аҳмад Абдурраҳмон Банно, Минҳатул-Маъбуд фий тартиби Муснадит-Таёлисий Аби Довуд, Байрут, 1400.

37. Имом Молик, Муваттаъ, тадқиқ: муҳаммад Фуод Абдулбоқий, Миср, 1370.

38. Ибнул-Асир, ан-Ниҳоя фий ғарибил-ҳадиси вал-асар, тадқиқ: шайх Тоўир Аҳмад Зовий, шайх Маҳмуд муҳаммад ат-Таносий, ал-Мактабатул-исламийя.